

U NUTIZIA LINGUA

È STU MESE CHÌ FEMU ?



SUNTA

2

A cuppulata di i soni

Scuprite l'inseme di i soni di u corsu

4

À u filu di e stagione

Sette fole di Marcu è Fiffina incù a so sfruttera pedagogica

6

A valisgia Canopé

Parechji arnesi pruposti da Canopé da pudè aiutà l'insegnanti à mette in ballu l'amparera di a lingua corsa inde a so scola

13

O chjù !

Un arnese da sviluppà a lingua incù i più chjuchi



In duie parolle

Da u 18 à u 23 di marzu, s'apre a nuvesima edizione di a "settimana di e lingue vive" nant'à a tematica: "L'impurte hè di cumunicà!". Eccu vi una pruposta d'azione cullettiva da mette in ballu :

- *scrivite omancu dece parolle in corsu chì rapresentanu u spiritu ulimpicu è mandate le à projetslcc@ac-corse.fr. 'Ssi ritorni ci permetteranu di fà ne un nulu di parolle chì sparteremu cù voi d'aprile.*

In tantu, per stu Nutizialingua di marzu, a squadra vi prupone di lampà un ochju nant'à e risorse produtte da CANOPE.

Emu sceltu unepochi d'arnesi ghjuvativi da u ciculu 1 à u ciculu 3. Parechji sò numerichi ma vi ramintemu ch'è vo pudete esse pruvisti in risorse fendu una dumanda diretta à : dnotations.da-corse@reseau-canope.fr

Tengu à ringrazià u nostru partenariu per u travagliu cuncepitu sempre à prò di i vostri bisogni è quelli di i vostri sculari. Sapiate dinù ch'è vo pudete esse ricevuti in Bastia, Casa di e lingue, cunventu Sant'Anghjuli è in Aiacciu Casale Castellani. Tandù, v'avviderete di a ricchezza di a pruduzione è di a facilità d'accessu à e risorse. Puderete persegui a vostra ricerca via u situ :

<https://www.educorsica.fr/>


Hè tuttu pensatu da ch'è vo vi campite nant'à a via di l'insignamentu di a lingua corsa !

Pascale Antonetti

IEN in carica di a missione lingua corsa per u 1mu gradu



I SONI DI U CORSU



CLICcate NANT'À MO
CUPPARCHJULA!



A CUPPULATA DI I SONI

Eccu un arnese da sfruttà da a scola materna à u CM2.
da travaglià a funulugia, a lettura, u lessicu, e
strutture gramaticali è ancu da ghjucà! Sè voi vulete
vede l'adopru di st'arnese in scola, seguitate a frezza!



Parlemu trà noi



A ghjurnata di Vulpucciu

Un arnese in duie versione : supranacciu è suttanacciu pè l'insignamentu di e trè ore ! St'arnese pò esse adupratu da maestri cursofoni di a filiera "standard" in scola materna. Prisentà una dimarchja d'amparera: come almanaccà una seenza, une sequenza, una prugramazione...



'Ssu libru hè una spluttazione di sette fole di "Marcu è Fiffina". Pè ogni fola puderete truvà una prugramazione chjara pè ogni nivellu di scola materna. Di più, 'ssu librettu hè accumpagnatu d'una scatula di ghjocu.



À u filu di e stagione Libru di l'insignante

*Pè ritruvà u libru è tutt'a
sfruttera in leia !*

I FUNDAMENTI

**I filmetti d'animazione da amparà
a numerazione in lingua corsa**

Stratti da e risorse « Les fondamentaux » di Canopé, eccu un'adattamento in lingua corsa di trè filmetti ghjuvativi cum'è puntelli per a lingua strumentu in matematiche. Puntelli di partenza o di cunsolidazione d'una sequenza, issi filmetti in leia cù a custruzione di i numeri à u CP, vi permetteranu di cumpletta u vostru insegnamentu bilinguu in matematiche cù à tempu ogetti linguistichi è disciplinari. Aiò à quantificà !




Si fideghjanu in quattru è trè, sette !

I FUNDAMENTI

Cartulare pedagogicu

**A PAGINA DA RITRUVÀ I
FILMETTI È A SFRUTTERÀ**



UNA VALISCIA DA PORTÀ VI LUNTANU...

C
A
N
O
P
É

A me valisgia pidagoga

Ciculi 1 è 2



Ciculu 3



DNL Colleghju



Una valisgietta pedagoga pè aiutà à l'insignamentu di u corsu in ogni ciculu. Ritruverete pruposte di libri, ducumenti o esercizi in tutte e discipline : matematiche, Storia, geugraffia, scienze è altri dumini d'amparera.



*Seguitate a frezza pè
parte in viaghju !*

© MUNTAGNA CARA...



E trè muntagne
di l'oru

Chì bell'avventura, quella campata in a scola René Subissi, in Bastia ! Un'avventura nancu compia, sempre in anda. Stu scenariu pedagogicu presentatu hè sperimentatu in una classe, quella di Madama Vanessa Jouan è di i so sculari di CE2. Anu fattu u piacè d'apre a so porta à Canopé, una volta à settimana.

Incù sta bella bella fola di Marie-Josèphe Jobin, adattata pè i zitelli di a scola elementaria, u maravigliosu v'hà da piglià appellamanu è v'hà da purtà à viaghjà ver'di "E trè muntagne di l'oru".

Eccu a sfida tamanta : cumu fà chì i zitelli possinu cuntà una fola, soli soli, di modu cuerente, aduprendu elementi lessicali, sintassichi è spreSSIONE nustrali...

*U cartulare cumpletu hè
piattatu in cima à a
muntagna...*



Lavinia è Andria

Lavinia è Andria hè un metudu chì parmetta di travaddà i cumpetenzi aspittati pà valutà u liveddu A1 di u CECRL. Si pò dunque aduttà st'arnesu incù i sculari di GS/CP bislingu ma dinò incù i CE1 di a filiera "standard".

Accumpagnati da sti dui ziteddi, i sculari imparani lessicu è strutturi in giru à stondi di a vita cutidiana chì li toccani di manera stretta : a scola, a casa, a famidda...

U fugliali hè dispunibuli in suttanacciu (Celavu è Mizana) è in supranacciu (Nebbiu è Rustinu)

Di sicuru, ùn bastarà à fà solu l'attività pruposti quì, tuccarà dinò à i maestri di ripiddà strutturi è lessicu fendu ghjochi incù i ziteddi (memory, a catena o altri). U primu scopu essendu sempri di fà parlà i ziteddi.

**A PAGINA
DA RITRUVÀ
I MANUALI È
U CD AUDIO**



FILMASTROCCHHE

Marcu è Fiffina vi presentanu :



Per vaghjime



A SEENZA

HÀ DA PRINCIPIÀ !

Sò ghjunte e Filmastrocche, ma... Chì robba hè una Filmastrocca ?

Sò Filatrocche messe in musica ch'anù da permette à i zitelli digià asgiati in lettura di seguità a musica, di cantà è d'addestrà si. Stà à sente, ripete, d'è cantà anu da permette di custruì una cuscenza di a lingua in quantu lingua ogettu.


Pudete digià ritruvà unepoche di Filmastrocche cù parecche attività pruposte, ghjochi o piste d'allarghere pussibbule da permette a so messa in ballu pedagogica.



OGHJE IN SALA

piazze sempre dispunibile

O Maè, parla mi cor su !



**TUTTI L'ARNESI
È E RISORZE DA
RITRUVÀ IN
LEIA**



St'arnese hè dedicatu à tutti i professori
chì travaglianu incù i più chjuchi.

Spartutu in sette parte ci puderete
ritruvà pruposte di prugressione, attività
di cumunicazione, rituali, affissi o dinò
canzone è filastrocche accompagnate
da un'appiecazione pè smartphone !



A FOLA DI L'IMPRESTATICCI

Una volta , ci era un pastore chi facia pasce e so pecure ind'i so lochi. Eddu aspittava u veranu chi l'invernu era assai duru , è pò era in numicizia cù u mese di Marzu.

Ogni ghjornu , Marzu li dumandava :
- « O pastore , induva vai à pasce ? »

E u pastore rispundia :
- « Vocu in fiuminale »

Mà , malignu ch'eddu era , invece d'andà in fiuminale stava in piaghja. E in fiuminale ci era u timpurale , è in piaghja ci era u sole!

U lindumane , Marzu dumandò :
- « O pastore , induva vai à pasce ? »

U pastore li disse :
- « Vocu à a sulana »

Mà invece si n'andò à l'umbria. E à a sulana : timpurale , invece chì à l'umbria : sole.

E fù cusi tutti i ghjorni !

Ghjuntu u 29 di Marzu , u pastore chjama à Marzu è li face vede a so banda di pecure.

- « Guarda O Marzuli , t'aghju l'agneddi beddi grassi ...ùn poi più fà nudda !
Marzu catarzu
Figghjolu di u rughjò
Aghju i brocci tamanti à cantoni... »!

Tandu Marzu si sente inghjuliatu , hè in furia :

- « O pastore , m'ai burlatu , mà ùn si passarà micca cusi... »

E per vindicà si Marzu si ne vò à chjamà a so surella Aprile :

- « O Aprì , a me surella ghjente ! prestà mi trè ghjorni da castigà u pastore. »

U primu d'Aprile , u nostru pastore t'avìa a risa in bocca. A sera si n'andò à dorme lasciandu e so pecure fora. Mà à mezanotte , un vintacciu daya a tremuledda à u caseddu : era Marzu chi si scatinava. Tonu cendi , acqua , grandina...l'affare durò trè ghjorni.
A a fine u locu e ttu. E di a banda di pecure ùn ne firmava manc'una !

U pastore era à l'addisperu.

Una sera à l'annuttà , u pastore sente pichjà à a porte. Era un viaghjatore , persi per quella muntagna chi cercava allogghju.

U pastore li dice : « entrite , entrite , vinite à scaldà vi... »

Aghju pocu è nudda per mè , ch'aghju persi tuttu , mà sò prontu à sparte lu cùn voi...

U lindumane , u viaghjatore disse :

- « Avà mi ne vogu chi mi tocca à fà strada »
- « Ah , mi ne fàlaraghju anch'èiu postu chi pecure ùn aghju più »
- « Stà à sente , e to pecure ùn sò morte ! »
- « Altru cà morte ùn ci ferma oiù cà l'ossi » risponde u pastore.

E u viaghjatore cuminciò :

« Ossi , ussicelli
Pecure è agneddi
Ossi , ussiconi
Pecure è muntoni ! »

Un avia ancu finitu a so pregantula chi l'ossi si movenu , s'uniscenu frà eddi , li nasce pelle è carne...è pocu à pocu tutta a banda rinasce.

U viaghjatore era SAN MARTINU.



**I DOCUMENTI
L'IMPRESTATICCI**




FINITE LE CUCCAGNE



RAFFAELLE - E SETTE BARETTE *



MARZU A SI PIGLIÒ ASSAI MALE ...



A MANE DOPU



GIAMBL

* D'ALTRI ARREGISTRAMENTI DA SCOPRE IN LEIA NANT'À U SITU D'AUDIO LINGUA

Marzu hà sette barette



CREAZIONE

RISPUNSEVULE DI PRUGETTU

*Pascale ANTONETTI, IEN
incaricata di a missione
insignamentu di a lingua corsa
pè u 1mu gradu*

SQUADRA PEDAGOGICA

Inseme di i CPC-LCC



SITI E RISORZE

Libri è albomi

Parlemu trà noi
O chjù
Lavigna è Andria
E trè muntagne
À u filu di e stagione

Siti

Canopé
A cuppulata di i soni
I fundamenti
E filmastrocche
A valigia Canopé

Altre risorse

A fola di l'imprestaticci

